

Što chce Serbski Sokol?

- ① Towarstwo je třěšny zwjazk Serbow a wšěch staćanow, kotřiž chcedža so za zaměry towarstwa zasadžeć. Wone zjednoča tež towarstwa, sportowe jednotki a skupiny, kotrež so ze sokolskim hibanjom zwjazane čuja.
- ② Charakter towarstwa "Serbski Sokol z.t." zwuraznja so w šěrokej ludosportowej činitosći.
Towarstwo je politisce a po wěrywuznaću neutralne.
- ③ Zaměr towarstwa je, iniciěrować, koordinować a organizować sportowe zarjadowanja we Łužicy kaž tež ze sportowcami mjezynarodneho sokolskeho hibanja.
- ④ Towarstwo wuznawa so jako naslědnik "Serbskeho Sokola" lětow 1920 - 1933, tež nastupajo zaměry a nadawki:

- wuwivać čělnu, duchownu a moralisku hódnotu serbskeho ludu,
- sportować na ludosportowej runinje pod heslom "W strowym čěle strowy duch"
- hajić a sej česćić serbsku rěč a serbsku ludowu kulturu
- wuwivać serbsku rěč na polu sporta
- zarjadować dalekubłanske naprawy kaž tež ekskursije za swojich čłonow a za přislušace korperacije.

Wšě zarjadowanja služa předewšěm wuwiwanju, pohłubšenju a zdźerženju serbskeje identity.

PŘIZJEWJENJE

mjeno, předmjeno (towarstwo / jednotka / skupina)

adresa a telefoniske čisło (adresa zamohwiteho towarstwa / jednotki / skupiny)

ličba čłonow towarstwa/ jednotki/ skupiny _____ sportowa družina: _____

město / datum

podpismo


Přizjewjenje pósćelće prošu na slědowacu adresu:

*Serbski Sokol, Serbski dom
Póstowe naměsto 2
02625 Budyšin*

Banka: Volksbank Bautzen • Bankleitzahl 850 949 64 • Konto-Nummer: 207 244 04 • Serbski Sokol

SOKOŁSKE LISTY, wokołnik Serbskeho Sokola z.t.
Adresa: Serbski Sokol z.t., Serbski dom, Póstowe naměsto 2, 02625 Bautzen/Budyšin
Telefon č. (03591) 550308, fax č. (03591) 42811
Zamohwity redaktor: Mikławš Krawc

SOKOŁSKE LISTY



Wudawa "Serbski Sokol z.t."

"SOKOŁ"

Pódlanski wobraz z pomjenowanjom "Sokoł" je w Serbskim kulturnym archiwje mjez wěcami ze zawostajenstwa Měrćina Nowaka-Njechorńskeho. Na wobalce něhdyšeho "Wobrazoweho archiwa Serbskeho zarjada ludoweho kubljanja" z čisłom A 1687VC74 čitach, zo njesmě so wobraz wužiwać. Haj, jón njeběch ani w knize Alfonsa Wićaza "Serbski Sokoł" ani w druhich publikacijach widzał. Motiw však bě mi někak znaty: muž ze serbskej chorhoju a ze sokołom na ruce. A wuslědźich we Wićazowej knize na stronje 101 nimale samsny wobraz z pomjenowanjom "Zbudženje", kotryž bě Měrćin Nowak w léce 1930 narysował. Čehodla drje so wobraz "Sokoł" wozjewić njesmědžeše? Sym wćipny, hač něchtó wotmołwu wě. Jeli haj, njech to prošu redakciji Sokołskich Listow zdžěli. K wobrazej "Zbudženje" bě M. Nowak přidał wurězk ze spěwa "Hoj horje Serbski Sokole". K wobrazej "Sokoł" hodži so po mojim měnjenju derje hesło, kotrež namakamy w "Sokołskim spěwniku" z lěta 1926 hnydom na stronje 4:



*Štóz Serb, tón Sokoł budź!
A za wótčinu lubowanu
Wšě mocy skruć!
Serbsku rěč a zemju
Njech škita naša hrudź!
Štóz Serb, tón Sokoł budź!*

W předslowje k mjenowanemu spěwnikej
bě dr. Herman Šleca podał sokołske hesło

*"Skrućmy so!
Štóz Serb, tón Sokoł!"*

Tež wone móhło stać - podobnje kaž tekst pod Nowakowym wobrazom "Zbudženje" - pod wobrazom "Sokoł".

M. Krawc

Za dobru chwihu


K hižo zarysowanemu pomjenowanju SOKOŁSKE LISTY připiše słowa ze slědowacym woznamom do t.mj. pěskoweho časnika. Wosebitosć je, zo ma kóždy słowo znajmjeńša jedne "k".

1. delnjoserbski basnik
(*"Serbska swajźba w Błotach"*)
2. spěšnje
3. myto sportoweho wubědźowanja
4. njewjesta ptačeho kwasa
5. městno chowanja tworow
6. něhdyši sportowy klub w NDR
7. wašnje płaćenja
8. wobydler susodneho kraja
9. špatna doba w sporće a dr.
10. produkt z drjewa
11. měritko kajkosće bencina
12. šulski srědk

Wuhodanje: 1 Kosyk, 2 skoku, 3 pokal,
4 stroka, 5 skład, 6 ASK, 7 žek, 8 polak,
9 kriza, 10 deska, 11 oktan, 12 kryda

| | | | | |
|----|---|---|--|--|
| 1 | | S | | |
| 2 | | O | | |
| 3 | | K | | |
| 4 | | O | | |
| 5 | | Ł | | |
| | 6 | S | | |
| | | K | | |
| | 7 | E | | |
| 8 | | L | | |
| 9 | | I | | |
| 10 | | S | | |
| 11 | | T | | |
| 12 | | Y | | |

Sokołski žort.



(Sokołske Listy
čo. 5 / 1926)

SOKOŁSKE LISTY, wokolnik Serbskeho Sokoła z.t.

Adresa: Serbski Sokoł z.t., Serbski dom, Póstowe naměsto 2, 02625 Bautzen/Budyšin

Telefon čo. (03591) 550308, fax čo. (03591) 42811

Zamołwity redaktor: Mikławš Krawc

Poslednja hra 1986

W awgusće 1986 běchu wulke dny za Chrósćicy, poswjeći džě so nowe sportnišćo. Při tutej składnošći zahra tež serbska wubranka kopańcu přećiwo SJ Ramnowej 3 : 3 (2 : 2).

Po tym zo běchu serbscy hólcy w meji 1986 w Hórkach w zwučowanskej hrě Traktor Haslow z 5 : 1 porazyli, nastupichu w Chrósćicach nimale w samsnej zestawje. W mustwje hrajerjow z Pančic, Chrósćic, Njebjelčic a Ralbic/Hórkow II běchu: Křesćan Cyž (wot 46. mjeńšiny Józef Woko) - Pětr Bejmak (wot 46. Rajner Hejduška), Pětr Brankačk (wot 46. Jan Mark), Oľaf Thiele, Křesćan Jakubaš, Bjarnat Šibšik (wot 70. Andreas Kral), Měrcin Pjetaš, Joachim Hojer, Křesćan Korjenk (wot 75. Michaľ Měrcink), Gerat Hrjehor, Herbert Wagner.



Něšto wo wubrance 1995

Jan Macka a Alfons Matka běštaj dotal hižo dvě zwučowanskej hrě z wubranku přewjedtoj. Po zetkanju w Hórkach přećiwo Wulkej Dubrawje (5 : 1) nasta wobraz, na kotrymž widžimy kruh hrajerjow serbskich mustwow z Kamjenskeho wokrjesa. Hižo džensa přejemy za 24. junij wjele wuspěcha při zetkanju a čěskimi koparjemil!

Mikra

Róčnicu hódnje woswječić!

9. nazymnika budže tomu 75 lět, zo załoži so w Budyšinje Serbski Sokol. Wšitcy Sokoljo chcedža róčnicu hódnje woswječić. Nic wšak jenož na tutym dnju, ale serbske towarstwo chce aktiwity w běhu cyłeho lěta wuwijać. W měrcu džě mějachmy hižo 13. volleyballowy turněr wo pokal Domowiny. Slědowace zarjadowanja su planowane:

♦ 27./28. apryła wobdžěli so serbska volleyballowa wubranka w Čěskich Pardubicach na turněrje. Je to napřećiwny wopyt po přěnim zetkanju z hrajerjemi Sokola Pardubice w lěće 1993 we Worklecach. (W přichodnym wudaću Sokołskich Listow budžemy wo wuprawje rozprawjeć.)

♦ 4. meje zetka so w Lejnje wjednistwo Sokola ze zastupjerjemi volleyballowych mustwow, zo bychmy 13. pokalny turněr wuhódnoćili a so wo městnje, modusu kaž tež terminje turněra klětu dorozumili. Zdobom chcemy ze serbskimi sportowymi wučerjemi wo zhromadnych projektach jednać.

♦ 24. junija ma po 9lětnj přestawce wospjet serbska wubranka w kopańcy hrać. Jan Macka z Chrósćic je so zwólniwy wuprajil, so wo nastajenje mustwa starać. Jemu k pomocy stajil je so Alfons Matka, trenar Njebjelčanskeho mustwa. Bohužel njemóžemy na tutym městnje hišće partnera mjenować - Serbski Sokol jedna hišće ze sportowcami z Mělnika resp. Jablonca. Za hru w Chrósćicach we wobłuku foklorneho festiwala wotměchu so hižo zwučowanske zetkanja.

♦ W nazymniku su předwidžane pokalne turněry w kopańcy (hry starych knjezow), kehelowanju a blidotenisu.

♦ W předwidžanym swjedženskim tydženju chcemy přewjesć kolokwij wo stawiznach Sokola.

♦ W medijach budžemy pisać resp. powědać wo něhdyšim a džensnišim Sokole. K tomu namoľwamy wosebje tež hišće žiwych čłonow prjedawšeho Sokola.

♦ Nastać ma wideo wo Sokole. Lětsa maja so přenje džěla wukonjeć, zo by pask 1996 hotowy był.

♦ Zwiski z našimi jednotami chcemy wutwarić. Předwidžane su rozrěče z wjednistwami jednotow.

♦ Zwiski z wukrajnymi přećelemi chcemy tohorunja rozšěrić. Wotpowědnje finacielnym móžnosćam budžemy sčěhować přeprašenja, kotrež z wjacorych krajow dóstachmy.


Woswječmy z nowym elanom, ze sokołskim zapalom 75. róčnicu załoženja našeho zwjazka! - Sportej a narodej - zdar!

M. Krawc



KONTAKTY - FAKTY

Po znovazaloženju Serbskeho Sokola dnja 28.12.1993 w Hórkach dósta předsydstwo towarstwa bórze dopisy z wukraja. W listach zwuraznichu wosebje sokołske wjednistwa z Čěskeje swoje wjeselo nad wozrodženjom Serbskeho Sokola. W Sokolskich Listach číslo 1/1994 běchmy hižo wozjewili zbožopřejny list Čěskeho sokołskeho zwjazka. Srjedź měrca dóndže do Budyšina potom list Swětowego sokołskeho zwjazka, kotryž ma sydło w Praze. Prezident Karel Syrový pisaše mjez druhim tole: "Přijimujće prošu wutrobny postrow Wam všem, wobdźiwajomnym čonom znovazaloženeho Serbskeho Sokola ... Přijimujće prošu nic jenož moju gratulaciju a gratulaciju Čěskeho sokołskeho zwjazka, ale wěrju, zo přeje zbožo sokołstwo cyłeho swěta". A na kóncu zwurazni prezident přeće za dobrym zhromadnym džěle: "Wjeselimy so na mjezsobne zeznaće a rozwiće bratrowskeho zhromadneho džěla".



KAREL SYROVÝ
STAROSTA (PRESIDENT)

SVĚTOVÝ SVAZ SOKOLSTVA
ČESKÁ REPUBLIKA
WORLD SOKOL FEDERATION
CZECH REPUBLIC
FÉDÉRATION MONDIALE DE SOKOL
RÉPUBLIQUE TSCHEQUE
WELT SOKOL FEDERATION
TSSCHECHISCHE REPUBLIK

V Praze, dne 7. 3. 1994
č.j. 3/94

Vážené sestry a bratři,


přijměte, prosím, můj srdečný pozdrav Vám všem, obdivu-
hodným členům znovuzaloženého lužickoserbského Sokola! Přijměte,
prosím, upřímné poděkování za váš v českém jazyce neméně obdivu-
hodný dopis ze dne 22. února 1994, kterým České obci sokolské i
světovému svazu sokolstva se sídlem v Praze oznamujete krásné a
příkladné založení lužickoserbského svazu Sokola s názvem "Serbski
Sokol". Přijměte, prosím, gratulaci nejen moji a České obce so-
kolské, věřím však, že gratulaci sdruženého sokolstva celého světa.

Po jednanjach předsydstwa Serbskeho Sokola z delegaciju ČOS dnja 23.3.1994 w Budyšinje (wo tym w Sokolskich Listach č. 3 pisachmy) poda so delegacija Sokola z Łužicy do Prahi, hdžež wotměchu so jednanja wo wobdźělenju Serbow na XII. wšosokołskim zléće a wo stykach ze swětowym a čěskim sokołskim zwjazkom. W Serbskich Nowinach rozprawješe Pawoł Hejduška wo přebywanju w stolicy susodneho kraja mjez druhim tole: "Popoždny přebywachmy w sydle ČOS w Tyršowym domje (Tyršův dům), hdžež nas mjez druhimi witachu starosta ČOS prof. Stanislav Doutlik, prezident Swětowego zwjazka sokolstva dipl.inž. Karel Syrový kaž tež jednačka Swětowego zwjazka sokolstva Danuša Gallatová."

Po wulkotnym XII. wšosokołskim zléće w Praze (wo wobdźělenju Serbow a wo wothłosu w čěskich medijach smy w čísle 4/1995 dokładnje pisali) bu Serbski Sokol hišće značiši, nic jenož w Čechach, ale tež w druhich krajach. Do centrale w Serbskim domje w Budyšinje přinjese póstownik časćišo listy a pakćiki z materijalijemi. Někotre přikłady chcemy podač:

Druha hra swjatki 1959

Tři lěta po přěnim starće nastupi serbska wubranka w chětro změnjenej zestawje w Pančicach přečiwo zastupnikej wobwodneje klasy Chemiji Hnašecy. Swjatkownu pónđzelu widžachu přihladowarjo dobyće z 5 : 3 mustwa z Hnašec. Troje wrota Pětra Netera, Jana Wornarja a Jurja Nowaka potajkim k dobyću njedosahachu. Jurij Nowak, mjeztym w Hórkach hrający, bě awtor wrotow kaž hižo w léće 1956. Z jědnatki Zjězda Serbow 1956 zwostaštaj nimo toho jenož hišće Reinhard Kawš a Feliks Statnik. Na rozdźěl k 1956 však steješe tónkróc Ralbičanski akter we wrotach wot 46. mjeńšiny, po tym zo bě w přěnim počasu Šram z Hórcan mustwa wrota stražował. Najlěpšu kritiku w hódnoćenju Achima Kowarja, zamołwiteho redaktora serbskeho młodžinskeho časopisa "Chorhoj měra", dóstachu Beno Mlynk, Norbert Rewjerk, Jan Wornar (wšitcy Hórki) a Jan Domaška (Ralbicy).



Mustwowy wobraz serbskeje wubranki 1965 w Čěskej
pokazuje slědowacych hrajerjow:

stejo wotlěwa su J.Bjeriš, P.Neter, J. Domaška, (wšitcy Ralbicy),
R.Rjenč (Chróscicy), L.Wilsman, N. Rewjerk, A.Šwon (wšitcy Hórki)
wotlěwa kleča: P.Čóška, F.Šolta, J.Hrjehor (wšitcy Ralbicy), J.Cyž (Chróscicy),
J.Šwon, J.Kocor (wobaj Hórki).

Zajězd 1965 do Čěskeje

Dalši króc bu wubrane serbske mustwo w léće 1965 zestajene, wospjet však jenož z hrajerjow serbskich jednotow Kamjenskeho wokrjesa.

Zhromadnje z volleyballistami a kehelerjemi Rotacije Budyšin poda so delegacija serbskich sportowcow do wokoliny Plizenja. Koparjo měřjachu swoje mocy z mustwom ze Spalenyh Pořic. Tute přečelske zetkanje skónči so 3 : 3.

Z mustwa lěta 1959 nastupichu hišće tři hrajerjo:

Norbert Rewjerk, Jan Domaška a Pětr Neter. Powołany pak bu tež Pawoł Čóška z Ralbičanskeho mustwa, kotryž džě bě džewjeć lěto do toho w Budyšinje nadběhował. Ze znateje Šotčić koparskeje swójby ("Čochec") bě 1956 Pawoł pódla, tónkróc jeho młódsi bratr Feliks. Zajězd do wokrjesa Plzeň-juh z wobhladanjom swětoznateje Plzenskeje piwarnje drje je všem wobdźělnikam njezapomnity. Mjez Sokolom Spálene Pořiči a Sokolom Ralbicy/Hórki traja hač do džensnišeho wuske styki - mjeztym nětko hižo 30 lět!

"Hraje wubrane serbske mustwo"

24. junija 1995 nastupi we wobłuku folklorneho swjedženja w Chrósćicach na tamnym sportnišću serbska koparska wubranka k měrjenju mocow z mustwom z Čěskeje. Za wubranku zamołwity je Jan Macka z Chrósćic, jemu pomha Alfons Matka z Pěskec. W nalěću přeprosytaj wonaj najlepšich hrajerjow z našich serbskich sportowych jednotow Kamjenskeho wokrjesa na treningowe hry. Přiwisnicy kopańcy w Serbach wjesela so runje tak kaž aktiwni hrajerjo na zetkanje z našimi słowjanskimi přećelemi. Njeje však to přěni króć, zo wuhladamy wubrane serbske mustwo w akciji. W slědowacym chcemy rozprawjeć wo stawiznach "serbskeho narodneho mustwa"...

Serbska wubranka doby z 3:1

Nowa doba připowědži we wudaću z 21. junija 1956: "Na Zjězdze Serbow hraje wubrane serbske mustwo". K wobšěrnemu programej drugeho wulkeho zjězda Serbow po 1950 w Budyšinje slušese tež rjad sportowych zarjadowanjow, mjez nimi bě pjasćowanje, mjezynarodna hra mjez Budyšinom a Liberecom, wubědźowanje awtow a motorskich na awtodróze - a kopańca mjez serbskej wubranku a wubranku Traktora z Choćebuskeho wobwoda. Pjatk, 6. julija 1956, dožiwi nawječor na Mlynkec luče tójšto přihladowarjow rjanu hru, kotraž so ze zaslužonym dobyćom serbskeje wubranki skónči. Smědžach w mustwje sobu nastupić, na něštožkuli so hišće dopomnu. W swojim dženiku, kotryž tehdy jako młody pachot pisach, steji wo podawku tole: "Popołdnu hraješe wubrane serbske mustwo přećiwu wubranemu mustwu Traktora wobwoda Choćebuz. Srjedźny škitar. Hrajachmy wulkotnje a dobychmy 3 : 1. Na Mlynkec luče. Wot Domowiny dóstachmy krasne židžane rubiško a ćelozwučowanske cholowy jako dopomnjenku. Wječor běchmy w 'Ratskeller' - zadarmo so najěchmy a napichmy". W nowinje pak redaktor Józef Kilank dnja 11. julija wobšěrnje rozprawješe: Pod napismom "Serbske mustwo z lepšej techniku a bojownosću" zhonichu čitarjo, kak bě dójšo k wuspěchej 3 : 1 serbskich hólcow z jednotow z Ralbic, Hórkow, Pančic a Chrósćic. Wrota za wubranku docpěchu Pawoł Nowak z Pančic, Jurij Nowak z Ralbic a Jan Dórnik z Chrósćic.

Prěni namjet z meje 1948

W meji 1948 wobdźělichu so Radworscy koparjo na turněrje w Złym Komorowje a měrjachu tam swoje mocy tež z pólskim mustwom. Nowina Nowa doba wobšěrnje wo wuprawje Radworčanow rozprawješe, jich wukony chwaleše. Awtor wupraji na kóncu slědowace přeće: "Njech scěhuja wostatne serbske mustwa, zo bychmy móhli zestajeć nanajrućišo woprawdžite reprezentatiwne serbske mustwo a zwažic so dale a dale". Z přeća bu woprawdžitosć hakle w léce 1956.

- W lisće sportowcow Sokola Pardubice, z kotrymiž nawjazachu serbscy volleyballisća hižo 1993 styki (zetkachu so k měrjenju mocow we Worklecach), so tež wuzběhny, zo měješe naš serbski Sokol w Praze "rjanu delegaciju" a zo su naše "narodne drasty wobkuzlance".

TELOCVIČNĀ JEDNOTA
SOKOL PARDUBICE I
JIRÁSKOVA 29, 530 02 PARDUBICE

SERBSKI SOKOL, z.t.
Póstowo naměsto 2/ Postplatz 2/
02625 Budyšin / Bautzen / Deutschland
Deutschland

VÁŠ DOPIS ZNAČKY/ZE ONE NAŠE ZNAČKA VYŘIZUJE/LINKA PARDUBICE
VEČ: Balatka 19.7.1994

Vážené sestry, vážení bratři,
děkujeme za dopis, potěšil nás, nezapomněli jste.
S odpovědí jsme čekali až po sletě, trochu jsme doufali, že se nám podaří setkání v Praze. Nevyšlo to. Jen mimochodem - měli jste moc pěknou delegaci, Vaše kroje jsou kouzelné. Volal jsem / Balatka / na bratra Krawce, byl však u protějš-
šího chodníku, neslyšel.

- Ze Słowjenskeje dósta Serbski Sokol přeprošenje na swjatočnosće składnostnje 131. róničny załoženja tamneho sokołskeho zwjazka. (Wo tym a wo stykach z něhdyšej Juhosłowjanskej pisachmy loni w 6. čisle Sokołskich Listow.) Po tym zo běchmy do Ljubljany informacije wo našim towarstweje póstali, podžakowa so starosta słowjenskeho zwjazka Matjaž Anžur.

Serbske mustwo z lepšej techniku a bojownosću

Serbske wubrane mustwo - wubrane mustwo Traktora Choćebuz 3:1

(nd) Po zwučowanskimaj hromaj serbskeho wubraneho mustwa w Su- nowje a Worklecach je sej snano tón abo tamny prajit: tuto serbske mustwo ma mało wuhladow. Tola wšitcy smy so mylili. Stož je serbske wubrane mustwo wobwoda Drježdžan w hrě z wubranym mustwom Traktora Choćebuz k česći Zjězda Serbow w Chrósćicach by...

synly bě w kondiciji, pomyslmy, zo je jemu 36 lět. Ale tež Dórnik, Čoška, Lejnik a Statnik njeběchu špatniši. Runje tak zadnje mustwo z Kawcom, Narcikom, Krawcom a Pawołom Šoftu. Nochcemy tež zabyć na wuběrneho wrotarja Pjetaša. Skrótka prajene, dobyće bě zaslužba wšěch, zaslužba kolektiwu, wšitcy...

hdy nož by to stajnje tak bylo, hdy nož by tuto mustwo přeco hromadze hrało, porjadnje trenowało a finančnu podpěru dóstawało, potom bychmy bórže měli serbske mustwo we wobwodnej klasy, ewtl. samo w lize. Tež trener Hallmann a sudnik so chwalobnje wo wukonach hry wuprajišaj.

W předhrě zetkašej so młodźin-
Serbskeje šule
českeje

Ralbičanski Feliks Statnik bě samo hišće jednatku nimo třělif. J. Kilank chwaleše wosebje wukon 36lětneho Jurja Nowaka ("Mlynkec Jurja"). Dale čitachmy w rozprawje: "Ale tež Lejnert, Dórnik, Čoška a Statnik njeběchu špatni. Runje tak zadnje mustwo z Kawcom, Narcikom, Krawcom a Pawołom Šoftu. Nochcemy tež zabyć na wuběrneho wrotarja Pjetaša".



SERBSKI SOKOL z.t.
sestra Michaela Moškova
brat Mikławš Krawc

Dragi bratje, drage sestry v Lužicach!

Več kot vesel sam prejel vaše pismo in vaše predloge, s katerimi se strinjam. Najprej pa Vam prav lepo pozdravljam. Pišem Vam v svojem materinem jeziku slovenščini, katerega govori cca dva milijona Slovencev. Pravita, da ste razumeli naš jezik zato upam, da bomo lahko v prihodnosti uresničili naše davne želje, da bi se ni Slovani med seboj razumeli pri čemer bi vsak govoril v svojem jeziku.



Dóstachmy nowe wudaće wokólnika SOKOLSKI VESTNIK, w kotrymž chcedža w jednym z přichodnych čísłow dokładnišo wo našim Sokole pisać.

• W přních měsacach 1995 dósta Serbski Sokol wjacore přeprašenja a próstwy wo nawjazanje kontaktow. Tak pisachu nam wjacore předsydstwa českých župow.

• Předsydstwo Juhosłowjanskeho Sokola w swobodnym swěće, wudawace wokólnik SOKOLSKE VESTI, wobroći so z Francoskeje na předsydstwo Serbskeho Sokola z próstwu wo připóslanje podložkow wo našim skutkowanju. Tež tutemu přeću smy wotpowědowali a smy na reakciju wóipni.



Serbski Sokol pak bu tež na IV. zjezd Českého sokolského zwjazka 20./21. meje do Prahi přeprašeny.

Je za wšěch člonow Serbskeho Sokola česć, hdyž so za sokołski zwjazk małego słowjanskeho ludu tak zajimuju. Bohužel wšak w medijach Němskeje dotal lědma něšto wo nas rozprawjachu. Chwalobne wuwzaće je nastawk w nowinje Sächsische Zeitung z 10. junija 1994, kotryž wšak je z pjera Alfonsa Wićaza, awtora knihi "Serbski Sokol", wuběrneho znajerja stawiznow Sokola. Nadźijamy so, zo w lěće 75. róčnicy založenja němska zjawnosć wjac wo Serbskim Sokole zhoni.

M. Krawc